

于忠肅公集卷之二

明錢塘于謙廷益甫著

北伐類

兵部爲邊務事照得近該瓦剌也先續差使臣
察赤輕等二十七名來京進

貢該宣府總兵官右都督紀廣等問討鐵牌看驗
說無止有番書一紙差伊帶領朶顏三衛達子
來因爲阿魯台和寧王的根脚在三衛來取不
與著軍馬來收三衛如今放回怕邊上人驚差
我領他每來

奏議

卷之二

朝見今三衛老小車輛盡在小黃河牛頭山一帶
住劄打圍等因本部已經覆奏通行隄備去後
今照朶顏三衛達子素號驍悍叛服不常不耻
敗亡敢爲標掠觀勢強弱以爲從違先因也先
犯邊各種部落多有結連往往在於近邊去處
潛藏出沒剽掠人畜其爲邊患不可勝言旣被
也先收捕今又放令回還名爲在邊住種其實
奸詐難測安知不爲也先腹心而爲我邊患害

况小黃河牛頭山一帶正係虜寇出入要途不可不備今既察赤輕帶領來朝若便待之如常置之不問非惟不足以發其奸抑且不足以彌其患合無令通事都督僉事昌英等將察赤輕帶來朶顏三衛使臣嚴加曉諭備述先前擾邊之罪

朝廷恩同天地因其臣順來朝一切不問爾等當感

恩思報毋蹈前非仍請

奏議

卷之二

二

勅令其賞回曉諭朶顏三衛頭目人等爾等蒙國恩開設衛分享有官爵務要敬順

天道尊事朝廷鈐東部落以爲我邊藩籬若有外寇侵擾必須奮勇勦殺以除邊患或有迤北走回人口不得邀截殺害就便差人護送來京

朝廷陞賞不愆若違背

天道辜負國恩犯我邊疆朝廷調度大軍勦殺必不容貸如此庶使

恩威得以並行夷虜知所感懼緣係處置邊務夷情

具題景泰三年正月十二日奉人無又高領
聖旨是欽此

兵部爲被虜走回人口事

內府抄出鎮守陝西內官王莊兒等題景泰三年
正月初二日酉時准總兵官征西將軍都督同
知張泰等手本景泰二年十二月十九日據黑
山營哨備署都指揮僉事任信呈送被虜走回
男婦三名口到官會同鎮守太監來福副總兵
都督僉事馬讓叅贊軍務右僉都御史韓福審

奏議

卷之二

三

據韓成供係寧夏中護衛左所百戶毛俊下選
操土軍陝失丁戶內餘丁先於景泰元年正月
初十日被達賊賽罕王識字人訛力帖木兒搶
去跟隨到於地名土刺河老營住過是城因曉
番語今年秋間聞知也先差使臣赴京進

貢雷下達子五百在於口外駐劄等候使臣同回

後又聽得也先怪恨脫脫不花王要人馬去征
殺了要著他的外甥阿八丁王的男做王子有

阿哈忽知院不忿領部下一枝人馬又有哈刺

嘆三千人馬都投順脫脫不花王去了有脫脫不花王整點人馬要與也先廝殺有賽罕王得知收拾人馬報與也先一同前去謊忽兒孩地面躲避有也先又將原收訛專一枝人馬連家小都放回原地地方去了等用著你時來成等跟隨訛力帖木兒行了十程至十一月二十日夜同妻李氏商議約同直隸寧山衛右所百戶賈貴下總旗孟成共偷兒驪馬七匹夤夜脫走沿途倒死五匹於本年十二月十八日到於黑山營轉送前來據供告報等因准此叅看緣係走回人口告報境外虜情事理專差舍人吳能齋本具題該本部官欽奉

聖旨兵部知道欽此又該鎮守陝西興安侯徐亨亦題前事通抄到部除走回人口另行外查得近該迤北走回男子段大口等說稱也先要與脫脫不花讐殺等因本部爲照也先之與脫脫不花其讐嫌猜忌之心非止一日今稱讐殺理或有之又恐虜情奸詐假以讐殺爲名意在犯我

邊境不可不備已經節次奏

准行移各邊各關總兵鎮守等官嚴加隄備去後今抄前因叅照走回男子韓成等所說聽得也先怪恨脫脫不花要領人馬去征殺著他外甥阿八丁王的男做王子一節緣與段大口等所說事情頗同及稱有阿哈刺忽知院同哈刺噴人馬都投順脫脫不花王等因緣哈刺忽在虜人中頗知道理畧曉

天道人事必是因見也先邪謀彰露厲階已成且恐

奏議

卷之二

五

不利於已以此結連投順雖傳說之言未見的實然以理揆之也先違

天悖德罪惡貫盈或者鬼啓其衷使其自相吞噬以速滅亡且夷狄相攻中國之利先事預備防患之策萬一虜人果於自相攻擊其潰散敗亡之寇不無有欵我邊誠恐所在總兵等官倉卒之際處置乖方失誤事機未便合無令該府差人馳驛齎文與各邊各關總兵等官務在整飭人馬固守地方若有虜寇近邊來降覆審明白果

無虛詐就便差人伴送赴京其有散亡部落或在我邊地方潛形隱跡或相率侵擾必須哨探賊衆多寡斟酌形勢強弱可以乘虛襲取卽便挑選官軍運謀設法出其不意掩其不備奮勇勦殺仍星馳差人具奏有功之日朝廷陞賞不

大對 恠仍令各邊總兵等官務要上念

皇上委任之隆下軫邊事付託之重當賊寇間隙之際正將臣立功之秋時不可失志不可餒凡在邊內外文武官員十分用心公同計慮相機而行以掃醜虜之腥膻以爲邊方之保障旣不許逡巡退縮以誤事機亦不許輕率無謀以中賊計緣係處置夷情及奉

欽依兵部知道事理具題景泰三年正月十四日奉聖旨是欽此

兵部爲邊務事該

欽差總督軍務少保兼兵部尚書等官于謙等題近該各邊送到走回人口屢報虜曾脫脫不花與也先讐殺而大同等處亦報烟火聲息臣等切

奏議

卷之二

六

惟也先違背

天道辜負

國恩一旦無故生釁侵擾邊境荼毒生靈雖悔過
摠誠遣使入貢而罪大惡極終不可容臣謙備
員總督臣亨叨任總兵日夜兢惕思所以報

朝廷之恩思所以雪前日之耻今犬羊自相吞噬
是天授以復讐之機而不可失也且虜寇驚散
擾亂必來窺伺我邊今春東作之時未免有妨
耕種若非振以兵威令其遠遯則邊方屯田之

奏議

卷之二

七

事恐未能成臣等再三計議欲各統在京馬軍
五千臣謙往宣府臣亨往大同其餘將佐於范
廣楊俊孫鏜過興張義雷通石彪郭英劉深崔
福劉鑑等內定奪前去蓋京師非無軍馬若帶
去太多恐費邊儲且兵貴乎精不貴乎多故也
臣等到邊遇警則所在各城軍馬悉聽臣等調
度如賊勢大必用添軍勦殺另行奏

請定奪如蒙

允臣等所

請就將三營團操軍馬內挑選停當整理部伍收拾
軍裝什物等件至二月中旬以後天氣漸和啓
發前去兵部仍先行各邊各關整搦軍馬以爲
聲援預備策應其餘軍前合用事件臨期具奏
臣等素乏謀勇之材又無勲閥之望叨受
恩寵任寄兵戎苟於此時而不奮忠義之氣竭涓埃
之報則是負

天地生成之恩其於天下後世之清議亦有所不容
者臣等昧死具題景泰三年正月二十二日

奏議

卷之二

八

兵部爲聲息事兵科抄出守備永寧都指揮同
知周全等題准管墩都指揮僉事向賢咨備高
山墩軍人馬肆等報三月十一日酉時瞭見境
外東北烟火一處相離本墩五里又瞭二人身
穿青衣一人身穿黑衣俱到墩下行走等因備
咨准此叅照前項達賊出沒恐有侵犯邊境除
呈鎮守懷來永寧右叅將都督僉事楊信等處

并差夜不收千戶楊策等前去爪探本日夜據
原差官軍走報本日午時到高山墩四海冶王

達子莊緝見前項步行達賊三人仍在彼往來行走當卽放砲一箇各墩接連舉放復從舊路去訖得此誠恐賊衆誘我官軍出境在彼四散埋伏侵犯邊境已將見操官軍整擱隄備外緣係達賊出沒事理具本專差夜不收小旗侯勝親齎具題又該奉御王整等亦題前事又該宣府左叅將都督同知楊能題爲走回人口事先准鎮朔將軍總兵官右都督紀廣咨景泰三年

奏議

卷之二

九

咨開獨石迤南高山墩平坡舉烟一把黃土嶺平地舉烟一把俱未息滅備咨會同鎮守等官右少監栢玉等議得先該孫安屢咨三月初九日修守獨石馬營今又報瞭烟火不遠爲此議撥馬隊官軍一千員名咨臣統領於本月初七日起程間又准後軍都督府咨准兵部咨呈爲聲息事咨臣等量選官軍前去策應臣已於本月初九日卯時到於赤城會同都督孫安將原守官軍家小護送至晚到於馬營安插至初十

日酉時據守備雲州堡都指揮沈禮呈本年三月初十日未時該提調墩臺指揮劉寧備守青石嵯夜不收梁小十二報瞭見嵯下達賊二人行走當卽問據內一名董清係遼東廣寧中衛左所百戶劉敬總旗陳居子下軍人董興旺男先於正統十四年七月二十一日被脫脫不花王部下達子必赤頭搶去不知地名住過至景泰三年二月內不記日期同搶去女直達子小厮脫走一月偷騎馬三匹詭稱中途倒死一匹

奏議

卷之二

十

行至長城外有不知是何部下達賊約有三千餘人馬在長城東行走將原來馬二匹偷去步行到於嵯下連人呈送到臣會同都督孫安隨差原帶通事千戶花脫合尼審得數內一名小厮係開元人自幼被女直搶去失記衛所姓名一名董清係前項衛所餘丁自阿兒台地面走回一月方到長城至夜將騎來馬二匹偷去天明爪探止有十餘匹馬蹄踪跡具說與原來呈文語言前後不一緣係走回人口傳說虜中事

情未委虛的除將原來軍馬整擱齊備於馬營
堡駐劄遇有報到聲息相機會勦及行總兵官
右都督紀廣等行屬提備外理合具本順差夜
不收百戶錢鏞親齎具題又該提督獨石等處
都督同知孫安亦題前事該本部官俱欽奉
聖旨兵部知道欽此欽遵通抄到部除審走回男子
董清小廝二名所說虜情與楊能等奏內相同
外叅照永寧地方切近居庸關及

天壽山等處今止有達賊步行三人入境雖埋伏之

奏議

卷之二

十一

天壽賊難測而瞭見之賊止此又况本部先前節有
議奏通行各處守邊將臣遇有緊急賊情務要
相機守戰而周全等却乃畏縮無謀明知賊寇
入境其數不多又無馬匹可以馳驟故意虛放
炮火使之驚散並不發兵截殺挫邊人奮勇之
心長賊寇奸宄之計萬一巡哨官軍失於瞭望
又似龍門千戶所平湖墩臺被賊攻坍將夜不
收殺掠貽患邊徼決非細故兼且哨見無馬賊
寇三人尚不敢出倘遇劫敵四散入境豈能前

驅推原所由蓋因提督懷來永寧都督楊信平昔號令不行以致所部頭目怠忽悞事再照走回男子董清說稱長城不知是何部落遠賊約有三千人馬一節訪得都督楊俊說稱長城只是離邊三十餘里顯是賊寇已近我邊必有窺伺侵犯之謀及查得達賊將平湖墩攻坍殺掠夜不收軍人蔡英等本部已將提督官都督孫安及守備都指揮張壽等叅奏行令各官聽調勦殺前賊以贖前罪經今日久殺賊功蹟茂聞

奏議

卷之二

十二

賊寇縱橫自若雖董清等傳說三千未必實有是數其種類雖非也先之衆必是兀良哈三衛殘賊遺孽受彼節制故向在潮河川長城一帶潛藏因見我邊將臣畏怯不敢襲殺往往乘虛窺瞰剽掠似此略無忌憚出入自由若非振以兵威折挫其勢其患不止於攻坍墩臺殺掠夜不收而已卽自獨石赤城等處正要設法僱運糧儲又係邊人畊種時月一旦糾衆突入爲寇豈不有悞邊方大計合無令該府差人馳驛齎

文與楊信嚴督都指揮周全等差人哨探前賊若是仍在近邊去處隱見出沒哨有的確踪跡就便量帶精銳官軍多方出奇乘機勦殺以贖軍先前怠忽誤事之罪務在量敵而進不許輕率誤事如果探無下落持重固守相時而動如違定行叅奏一體治罪及齋文與孫安楊能公同計議先差乖覺夜不收哨探賊營下落備得兵數之多寡賊勢之強弱如果可擊隨宜設策或日則伏兵趲草喂馬夜則啣枚倍道兼行出其

奏議

卷之二

十三

不意攻其無備以成擒殺之功以壯軍士之氣以便邊城之饋運以興邊境之屯田有功官軍朝廷陞賞不吝不許偏執已見剛愎妄爲圖保一時身家乃忘經久計慮及謀不先定意圖徼倖致中賊計自取罪愆又查得近有奏准事例迤北走回男子有情愿投充勇士者准令收

充勇士送

御馬監養馬遇有調軍出口殺賊令其指引道路今審走回男子董清小廝俱情愿投充勇士看

得各人俱各精壯乖覺合無照例收充勇士送
御馬監養馬定於武驤右衛食糧聽候差用緣係
處置賊情并走回人口及奉

欽依兵部知道事理具題景泰三年三月十六日奉
聖旨是欽此

兵部爲邊務事兵科抄出鎮守遼東總兵官左
都督曹義題節該欽奉

勅爾等務在晝夜用心從長計議設法區畫戰守長
策設若虜寇率衆來侵何人領兵當先何法可以

奏議

卷之二

十四

出奇取勝何地可以設伏截殺何處可以屯兵固
守如何使賊衆不致於深入如何可使邊民不被
其搶掠凡軍士有無精壯糧儲有無充實器械關
堡墩臺牆壁等項有無堅利完固務在各臻實效
欽此欽遵臣會同鎮守遼東太監宋文毅提督
遼東軍務左副都御史寇深巡撫左副都御史

李純副總兵左都督焦禮施聚右叅將都督僉

事劉端計議得遼東地方極臨邊境西自山海

關外起東北直抵開原沿邊衝要平坦處多海

州遼陽迤東雖隔遼河亦有灘可通人馬廣寧
義州錦州寧遠前屯一帶曠野別無阻隘俱難
設伏西北大寧舊遼陽河上峭兀良哈三衛達
子東北腦濕江松花江灰杻江黑龍江海西各
種野人女直東南婆猪江河迷等處建州三衛
女直接連巢居往來在邊住劄近年以來前項
夷人有挈家投順脫脫不花有被收捕聽其約
束指引來邊爲患今又被也先收併出沒不常
賊情難測緣遼東所屬惟廣寧開原二處最爲

奏議

卷之二

十五

緊要原有鎮守太監總兵叅將等官在彼團兵
其餘各城人馬俱在本處操守每年春夏量數
分布邊堡防護屯種秋冬拘收人畜歸併回城
操守官軍常川巡瞭上年天雨連綿衝塌墩臺
壕牆累督修整完固照舊防守今奉

勅旨從長計議臣等公同衆議副總兵焦禮施聚各
不妨守備寧遠義州地方但聞廣寧虜衆寇邊
聲息星馳前來會議同右叅將劉端內使單璣
領兵當先臣同太監宋文毅左副都御史寇深

調度殺賊內焦禮劉端就分巡遼河迤西直抵
前屯衛地方遼陽瀋陽海州地方有警左副都
御史李純同掌都司事都督僉事王祥等領兵
出戰王祥仍不妨管事就分巡遼河迤東至瀋
陽地方開原鐵嶺有警左叅將都督同知胡深
同左監丞范英內使韋明領兵出戰胡源仍分
巡開原起至蒲河地界各量領人馬時加往來
巡督修理城池邊堡墩臺壕牆整點官軍器械
務在堅利完固及督各城戰守都督都指揮等

奏議

卷之二

十六

官梁宣宋政魯全孫璟周瑛鄧鐸等如法操練
軍馬固守城池謹慎隄備若遇有警星馳傳報
臣同宋文毅寇深相度遠近事勢會調隣境軍
馬隨機應變及查得各處合用糧料止是本處
屯軍種納子粒并銀糴米豆支應別無有司供
給見在糧儲止勾本處人馬一二年支用以後
陸續收積緣係區畫邊務那調官員分巡戰守
事理開坐具題又該太監宋文毅左副都御史
寇深亦題前事該本部官俱欽奉

聖旨兵部知道欽此欽遵通抄到部案查前事已行
去後今抄前因叅照所奏係干備邊方略旣已
總兵官曹義會同各官計議停當具奏俱合准
擬仍行曹義等逐一依擬施行臣等又議得遼
東地方相離京師不遠又有野人女直各種夷
人周廻雜處而夷虜之性變詐不常瞰我邊備
虛實以爲從違向背往來靡定叛服不時或陰
附強寇而搔擾我邊或窘於饑困而搶掠頭畜
逼逐緊急則逃遁防閑稍緩則復來卽目各邊

奏議

卷之二

十七

俱報有烟火聲息而遼東一帶墩臺上年因雨
水連綿多有水浸坍塌卽今雖稱修整完固誠
恐總兵等官不曾差委的當人員著實點看止
憑哨守官軍回報因而有名無實遇警不能接
報以致失候事機合令曹義寇深等務將前項
議到備邊方略倘有緊急賊情毋徒托諸空言
必要見諸行事以副

朝廷付托之重以銷殘賊反側之患以爲邊方保
障之計以爲經久利便之圖如或言之有餘行

之不足以後疎虞邊務責有所歸其奏合用糧料合行戶部徑自查照定奪緣奉

欽依兵部知道事理具題景泰三年四月初六日奉聖旨是欽此

兵部爲走回人口事兵科抄出鎮守大同總兵官定襄伯郭登等題准左叅將右都督方善咨據陽和衛貓兒莊墩哨備指揮王瑛備本墩百戶黃忠呈該瞭高軍人薛友亮等報瞭見境外正北有一人騎馬前來到墩呈送到職審據候

奏議

卷之二

十八

敬供係大同前衛後所餘丁先於景泰元年正月內在於本城西南錫蠟溝牧放牛隻被也先下達子歹兒下平章搶掠送到迤北一向在彼住過有也先今年正月內將平章放回往南行到撈鹽海子被也先差達子前來將平章當住後也先將平章就連老小放回往東行走本役於景泰三年三月十五日夜騎馬一匹走回本役在營時聽得達子說稱脫脫不花領人馬與也先廝殺也先得勝將脫脫不花趕往東北去

了後脫脫不花領好人馬復來要與也先廝殺也先得知就領人馬往西北去了又聽得也先說若是脫脫不花趕上我就便與他講和陪話備供連人馬咨送前來會同太監裴當右少監馬慶審得侯敬於前項年月日被也先頭目朵兒般平章下達子雪良歹搶至迤北送與達賊不台處隨住景泰二年十月內有也先將朵兒般平章人馬約有四五千人放回撈鹽海子北邊住劄二月復調回與脫脫不花廝殺敬在營

奏議

卷之二

十九

看放馬牛不曾跟去景泰三年正月內朵兒般平章領人馬回營聽得二十年搶去漢人說也先將脫脫不花殺敗脫脫不花往東北去訖又說脫脫不花若趕上我時就便順他趕不上時罷本年三月十七日朵兒般平章領人馬起營往遼東地面種田敬跟隨兩程得脫偷騎馬一匹晝夜行走五日到邊等因叅照本人所供言詞與前咨不同及稱脫脫不花要借人馬還與也先廝殺一節與節次走回人口所說不同中

間恐有未盡情由具本差人伴送具題該本部
官欽奉

聖旨兵部知道欽此欽遵又該鎮守太監裴當及山
西行都司都指揮使孔旺等俱題前事通抄到
部除審侯敬所知前項虜情與奏內相同外查
得先該節有迤北來降夷人及走回男子往往
說稱脫脫不花至被太師也先人馬殺敗或言
脫脫不花已被殺死或言將帶人馬往東去訖
等因及稱櫃子山見有屯駐達賊本部已經不

奏議

卷之二

二十

次具奏通行各邊總兵等官嚴加隄備行令大
同總兵官定襄伯郭登差人密切哨探櫃子山
賊寇有無見在動靜何似若果別有犯邊情由
宐從相機守戰去後今侯敬又說稱脫脫不花
要往北邊借毛人毛馬來與也先廝殺有也先
往西北去了說稱脫脫不花若趕上我時就便
順他趕不上時罷等語雖前後不同未委虛的
設使果如侯敬之言脫脫不花借兵與也先讐
殺自相攻擊彼既自有釁端顧籍不暇豈能別

起奸謀犯我邊境所謂醜虜相攻誠爲

中國之利但事情未可深信而隄備不可不嚴合
無通行在京五軍三千神機等營并各邊各關
總兵等官各要整棚人馬加意訓練務俾號令
嚴明兵備修舉勿謂虜寇啓釁而有懈怠之意
勿謂目前苟安而忘經久之圖務俾有備無患
內期保萬全又查得近有奏

准事例迤北走回男子有情愿投充勇士者照例收

充勇士不愿投充勇士者發回原衛原籍優免

奏議

卷之二

二十一

差役終身今審得餘丁候敬情愿原衛其帶來

郵車馬一匹已送

內府交收合無送禮部照例給與馬價令該府差
人沿途應付口糧送去大同總兵官處轉發該
衛隨住照例免其差役終身緣係處置走回男
子并奉

欽依兵部知道事理具題景泰三年四月初八日奉
聖旨是欽此

兵部爲軍務事兵科抄出鎮守遼東總兵官左

都督曹義等題景泰三年四月初九日起至本月十五日止節據遼陽瀋陽河海州廣寧義州寧遠備禦守備都指揮周瑛李武河尖山分水嶺孤炭場等墩臺各報瞭見境外黃山老營湖老虎林連二莊窠大黑山雙峰山筆架山莖山栢凌河蛤刺灣等處有火光烟火并舉號烟三四把共二十二處又寧遠寺見山墩瞭見達賊三十餘人馬義州分水嶺寺見墩二次瞭見步行五人又五人身披明甲騎馬往南行走前

奏議

卷之二

二十二

屯平山墩瞭見七人各騎馬匹離牆四五六里往來行走招旗俱不來打話各往西北東北去訖臣同提督軍務左副都御史寇深鎮守太監宋文毅等議得前項地方各報瞭見境外火光烟火燒火號火不絕及有人馬往東行走顯是達賊故近邊牆窺瞰聲東擊西賊情難測除差人分投馳驛齎文前去著落各該守備都督都指揮等官如法操練人馬設法巡哨防護屯種遇警相機截殺外會本具題又該鎮守遼東太

監宋文毅提督遼東軍務左副都御史寇深俱題前事又該曹義等題爲走回人口事景泰三年四月初九日據廣寧操備都指揮李芳呈該白土廠烟墩差軍報送境外走回婦女一口到城委官審得本婦係義州衛軍人張真妹張妙喜同母劉氏兄張敬張廣勝等在城南屯住景泰元年八月內被達賊人馬搶去往西北行五六日將少壯男子同兄張敬等八人殺死母劉氏半路丟撇其餘人口又行半箇月到老小

奏議

卷之二

二十三

營聽得漢人對說這達子多是裏頭的也有建州的各將人畜分散了妙喜分在達子加郎加家配與伊男加欵爲妻住至今年正月內有也先領人馬來與脫脫不花王廝殺二日脫脫不花走了也先差人馬趕回講和了兩家人馬都收在一處分作四營越草放馬就分人馬出來尋捕三衛達子建州海西野人女直回來了二月間見一箇老達子頭兒到我每營裏聚衆達子在一處分付各報馬數與他好馬用心養著

不要騎又看弓箭但有不好的就打一頓刀背
著重新整理每人打一尺長鎗頭帶在腰裏到
五月間青草長時多收拾人馬去搶開原瀋陽
先躡一箇小城子看若軍馬多處多分些人馬
去他若趕將來時便與他廝殺聽記在心伺夜
偷拐馬一匹脫身走回據供備呈臣同左副都
御史寇深太監宋文毅等議係虜中走回人口
報說聲息事情雖未委虛的緣卽目四月中旬
青草漸長賊情不測除行各該地方嚴整人馬

奏議

卷之二

二十四

鋒利器械如法操哨及督墩臺官軍晝夜仔細
瞭望但聞虜中有警相度歸併人馬拘收屯田
人畜堅壁固守加謹防備及將走回婦女查明
照例給賞發衛依親寧家外會本具題又該宋
文毅寇深亦題前事本部官欽奉

聖旨兵部知道欽此欽遵通抄到部參照所奏係干
瞭見達賊在邊出沒又況所見境外烟火數多
顯是此賊按伏人衆故意差遣或三二十人或
五七人到邊啜賺我軍意在乘虛搶掠兼且走

聖旨回婦女又說稱也先與脫脫不花人馬都在一處整點馬匹器械到五月間要搶開原等因雖傳聞之語未可憑信而隄備之策不可少忽又况卽目四月將終邊方青草漸已長茂邊軍耕種人畜在野而開原正係遼東極邊城池控制虜境萬一賊寇逞奸侵擾慮恐所在守備官員忽於戰守之道因而有悞大計未便合無就令差來奏事人馳驛齎文與寇深曹義等嚴督各該守備等官整擻人馬申嚴號令用心防範仍

奏議

卷之二

二十五

差人哨探境外賊情動靜何似若果事出非常務在隨宜行事賊少則出兵截殺賊衆則堅壁以待仍飛報總兵等官發兵策應不許互相推調輕易怠忽致賊得計自取罪愆本部仍通行永平山海密雲居庸宣府獨石馬營等處總兵守備等官一體謹慎隄備毋致疎虞緣奉

欽依兵部知道事理具題景泰三年四月二十二日

奉

聖旨是欽此

兵部爲整飭邊備事兵科抄出總督邊儲叅贊
軍務都察院右僉都御史李秉題臣聞制狄之
方固莫先於講武以練兵安邊之策尤莫先於
據險以固守照得獨石馬營等處城池形勢險
隘官軍頗多戰守有人賊若勢寡則有寡不敵
衆之心不敢輕進勢衆則有腹背受敵之患不
敢深入又有都督孫安在彼提督號令頗嚴官
軍知畏縱有警急亦無足慮所可慮者惟宣府
而已切照宣府迤北沿邊一帶大小白陽常谷

奏議

卷之二

二十六

青邊張家等口中間多有通行人馬去處正統
初年該太監典安尚書魏源親詣彼處相度形
勢築立城堡調撥神銳馬步官軍輪流守備以
絕邊釁固安人心續該總兵官楊洪奏

准將大小白陽等處城堡原守官軍馬匹歸併葛峪
堡操練比因青邊口張家口西陽河等處城堡
係緊要去處仍前守備不曾歸併後因達賊犯
邊前項城堡無人守備俱各廢弛及照青邊等
口內近宣府外通沿河十八村等處况往宣府

等處軍餘俱由彼處出入前去馬營獨石般運糧米被達賊搶虜者甚多此等之人深知鄉導是以被虜軍餘王春等入境打細由此進入其原立城堡若不仍前復設調撥軍馬照舊守備非惟無以嚴邊防誠恐有以啓賊意臣屢以此事與鎮守總兵等官栢玉等極陳利害商確施行栢玉等僉曰可行獨總兵官紀廣執迷不從說稱沿邊墩臺俱有守瞭官軍便不守這堡也不妨臣切慮沿邊墩臺相離通人馬去處城堡

奏議

卷之二

二十七

少者四五里多者十數里縱有奸細乘夜進入守墩之人豈能瞭望及照原守城堡卽今見存其守備官軍俱在宣府等處團操前項城堡缺人守備倘有奸細投間抵隙因而入境窺探虛實貽患非輕臣叨居言路之官濫膺叅贊之任義所當言豈敢緘默如蒙乞

勅兵部行移鎮守等官將不係歸併團操青邊等口緊要去處量撥官軍馬匹仍舊修守分委都指揮或的當指揮一員專一在彼提督精銳馬步

官軍輪流守備仍行左叅將楊能量帶官軍於墩空添築墩臺以便瞭望其歸併大小白陽等處遺下城堡隘口仍令守備萬全右衛都督江福葛峪堡都指揮楊文提督墩臺都指揮梁泰等嚴督該管官軍常川遠出哨探以備不測不許怠忽以墮賊計務要關防周密而嚴謹隄備相機行事而邊境無虞仍行都督紀廣從長斟酌如果要害去處可以不設守備本官別有禦寇長策令其明白具奏定奪具題該通政使司

奏議

卷之二

二十八

官奏奉

聖旨兵部知道欽此欽遵抄出到部叅照青邊等口地方比先俱各築有城堡控制虜寇近因達賊犯邊守將不能銳意捍禦致將臨邊城堡多有損棄廢弛茲著虜衆遠遁整飭邊備乃其急務况古人之馭夷狄以守爲上今日之事若不將沿邊一帶緊要城堡逐漸修復以實守備誠恐虜人奸詐難測萬一再有動搖未免愈加壞廢今僉都御史李秉建言議要修復前項城堡此

官軍輪流守備仍行左叅將楊能量帶官軍於墩空添築墩臺以便瞭望其歸併大小白陽等處遺下城堡隘口仍令守備萬全右衛都督江福葛峪堡都指揮楊文提督墩臺都指揮梁泰等嚴督該管官軍常川遠出哨探以備不測不許怠忽以墮賊計務要關防周密而嚴謹隄備相機行事而邊境無虞仍行都督紀廣從長斟酌如果要害去處可以不設守備本官別有禦寇長策令其明白具奏定奪具題該通政使司

奏議

卷之二

二十八

官奏奉

聖旨兵部知道欽此欽遵抄出到部叅照青邊等口地方比先俱各築有城堡控制虜寇近因達賊犯邊守將不能銳意捍禦致將臨邊城堡多有損棄廢弛茲者虜衆遠遁整飭邊備乃其急務况古人之馭夷狄以守爲上今日之事若不將沿邊一帶緊要城堡逐漸修復以實守備誠恐虜人奸詐難測萬一再有動搖未免愈加壞廢今僉都御史李秉建言議要修復前項城堡此

實安邊禦侮長策而紀廣身任總戎顧乃偏執不從推原本心不過苟圖目前之安不思經久之計若不早爲處置不無臨期失措合無准其所奏令該府差人馳驛齎文與紀廣公同叅贊鎮守叅將內外官員從長設法計議一一照依李秉所奏將青邊等口緊要去處趵今邊務稍暇天氣晴明量撥官軍修守并分委都指揮等官提督精銳馬步官軍輪流守備仍令左叅將楊能量帶官軍躬親前去踏勘添設墩臺其歸

奏

卷之二

二十九

併大小白陽口等處遺下城堡隘口令守備萬全等處都督等官江福楊文等嚴督該管官軍提督哨瞭候整飭邊備完日令紀廣等明白具由回奏仍令紀廣今後凡有一應邊務須要博采衆長從公整理不許因循苟且偏執誤事如今日偷安怠忽不卽區畫措置異日倘失事機罪將何道緣奉

欽依兵部知道事理具題景泰三年五月二十五日

奉

聖旨是欽此

兵部爲軍務事兵科抄出提督遼東軍務都察院左副都御史寇深題先據寧遠備禦指揮劉英呈景泰三年五月初五日未時據中右千戶所差馬軍報哨達賊入境搶掠劉英隨領在城馬隊官軍追出境外及興水堡按馬署都指揮僉事任義聽得西南砲響隨差刼殺百戶周潤探見前賊當領人馬追至境外白芒山遇見本所官軍葛敬一齊追出黃山坡見賊約有三百

奏議

卷之二

三十

人馬身披明甲青甲就與對敵交鋒戰至地名齋園兒殺傷各賊人馬被搶去訖陣亡旗軍高八兒等九名又有達賊五千餘人馬將仙靈寺堡牧放馬匹搶去本堡按馬指揮劉夔領軍堵截歸路對敵劉夔同軍人薛哥兒等被傷天晚收軍回還等因據報臣等當議分巡總兵焦禮領調寧遠并附近前屯錦州地方馬步官軍署都指揮任義阿海等二千員名追勦及差官踏勘得約有三百餘人馬踪跡小團山空西中臺

東分中跑開牆二處入境搶掠種田大小男婦
四十三名口牛三十六隻并仙靈寺堡牧放等
項官私馬八十五匹兩空臺守瞭軍丁俱不知
覺達賊入境與賊對敵陣亡軍人婁原射傷官
軍指揮劉夔百戶潘安等二十員名射歿官馬
七匹射傷官馬一十二匹得獲賊人弓箭追下
原槍男婦二十二名口牛驢羊三百九十九頭
隻回還具結回稱是實又准左副總兵焦禮手
本回稱本月十二日追至境外地名五指山約

奏議

卷之二

三十一

有八十餘里賊迹去遠領軍各回原處操守外
行間本月十六日據廣寧西北細河邊堡架砲
總旗周斌馳報有賊從地方駱駝嶺西空折牆
入境順山往東到細河槍掠據報當職調右叅
將劉端同內使覃璣領馬隊官軍都指揮馬貴
等三百餘名前去正北魏家嶺堡抄截又調都
指揮馬敬高飛領馬隊并劫殺官軍共六百員
名往西北細河策應本役二更時分該蒙州備
禦并細河堡都指揮瞿賢常洪各差百戶高昱

廖貴相繼報稱本日午時分據本堡守墩臺軍人朱旺報瞭見堡西山坡有達賊人馬撲搶牧放馬匹常洪隨領築堡按馬官軍三百員名出堡南門外劄隊當有達賊七百餘人馬身披明甲青甲皮甲頭戴明盔白纓紅纓衝突下山內有漢人叫說你每來和你廝殺後有大勢人馬便到官軍奮勇向前就與對敵賊攻堡門墩臺放鏡打中一賊落馬被賊拖去得獲弓一張眾賊退至教場隨有義州城守備右副總兵施聚

奏議

卷之二

三十二

親領官軍都指揮瞿賢等六百餘員名策應到來同常洪等官軍與賊廝殺至未時分賊見官軍勢勇就行退走奪下原搶馬七匹搶去官馬一百八十四匹自己驢四頭賊仍奔駱駝領西原跑牆處所出境有副總兵施聚督領官軍追趕到白土廠東前賊又合人馬復來對敵官軍勇進銳矢交發射打傷眾賊人被奪去訖亦被賊就陣射死軍人李旺等射傷軍人金祥等戰至申時分賊敗纔退出境往西北遁走當有右

副總兵施聚因見天晚恐賊衆哄賺官軍出境
墮賊奸計隨令常洪瞿賢等官軍擺劄隊伍將
跑開牆缺砌合令軍各回城堡固守及右叅將
劉端等回稱當夜三更時分各領官軍到細河
賊已退遁去遠親到義州駱駝嶺達賊原跑牆
處所看得牆合領軍回還差官踏勘是實臣同
鎮守太監宋文毅總兵官左都督曹義計議叅
照守寧遠地方仙靈寺堡按馬指揮同知劉夔
百戶劉傑防備不謹同分巡邊空總旗方敬之

奏議

卷之二

三十三

朱婁子亦各怠慢致賊夤夜跑牆入境搶掠人
畜及小團山空并中臺守瞭小甲葉五邵敏并
義州地方駱駝嶺烟墩守瞭百戶彭真分巡邊
空千戶席興各不知覺達賊入境不曾放砲差
軍走報以致達賊深入細河搶掠俱屬誤事失
機失瞭人犯欲照

勅諭內事理拏問卽今邊方累報烟火不絕顯是達
子窺瞰意圖竊掠恐愈缺人哨守合無免提將
失機失瞭官劉夔等四員俱免爲事官立功當

先殺賊旗甲四名守墩哨瞭五年滿日著役候各有功時奏

請定奪庶得邊方不缺人用紀律嚴明其陣亡旗軍高八兒等九名傷故軍人婁原各殞於鋒鏑合將戶丁補伍被傷官軍五十九員名係交鋒對敵奮勇人數合照

勅諭內陞賞激勸勉勵後來今將失機失瞭陣亡傷故被傷官旗軍餘姓名開坐具題又該宋文毅曹義俱題前事本部官欽奉

奏議

卷之二

三十四

聖旨兵部知道欽此欽遵通抄到部叅照遼東地方係是緊要邊境內則附近京師外則控制野人女直諸種夷虜

朝廷差遣提督總兵等官統領官軍分投守鎮正所以防奸禦侮安人保邊今遼東開原等處節有賊寇入境攻跑墩臺搶殺人畜往來不絕出沒非止一次本部節有議奏行移各官調兵設法截殺而總兵官曹義顧乃怠惰放肆略不究心既無折衝之勇又無料敵之謀以致賊寇益

肆縱橫畧無忌憚公然糾率大眾四散犯我邊陲殺傷官軍剽掠頭畜難以悉數其縱寇長奸失機誤事之罪又孰有大於此寇深等既不能躬親督軍運謀設策瞰賊寇搶掠之餘按人馬爲掩襲之計俾賊寇出而復來如蹈無人之境風聞到京日久一向不曾具奏延今半月之上自知傷損官軍數多無由遮掩其過却乃止將失機失瞭官指揮劉夔等奏要降克爲事官立功又要將傷故官軍陞賞各人不曾立有擒斬

奏議

卷之二

三十五

達賊功勞豈可濫加

恩賜又况此賊未審是何部落觀其所奏賊寇中間有帶明盛明甲者想必也先部落因其將脫脫不花王人馬及野人女直等類俱已收集一處知我遼東守備單弱及所在屯堡溝牆俱各被兩坍塌而總兵等官又皆怠忽苟且故率新附烏合之衆前來侵擾萬一隄備不嚴賊寇乘虛深入

京師未免動搖貽患方來決非細故兼且曹義

等

朝廷屢垂寬宥略不改過革非縱寇擾邊日甚一日所據寇深曹義等俱合拏問治罪以警其餘但前項賊寇數多未曾遁去其奸詐之計不可測度正宜用人守戰之際若便行提究問誠恐缺人統領軍馬愈加誤事未便合無請

勅切責寇深曹義等記其失機誤事之罪令各官務在和同計議差人密切遠哨前賊卽今有無在邊曾無遁去若果尚在邊方出沒就便挑選精

奏議

卷之二

三十六

壯馬步官軍選委驍勇慣戰頭目統領或就令副總兵焦禮施聚統率多方設法於要害去處按伏或夤夜掩襲其營壘或分投邀截其歸路以成擒殺之功以贖先前之罪以摧賊寇之鋒以壯軍士之氣以安邊人之心其擒殺達賊有功官軍明白造冊開奏

朝廷自有陞賞若寇賊遁去哨無踪跡亦要堅壁

清野持重以待雖當無事之際常如臨敵之時既不許率意輕進中賊奸計亦不許退縮無謀

縱賊剽掠如若似前不行悔過怠忽誤事定行
罪及身家不恕其指揮劉夔等照依寇深等擬
奏事理施行本部仍行提督永平山海軍務僉
都御史鄒來學嚴緊操練官軍整肅兵威隄備
策應仍行該府轉行遊擊將軍都督劉深等將
原選策應遼東官軍上緊整理齊備聽候緊急
聖旨調用并行宣府大同居庸白羊紫荆倒馬等處
邊關總兵守備等官一體留意隄備遇警相機
行事緣係請

奏議

卷之二

三十七

勅切責邊將及奉

欽依兵部知道事理景泰三年五月二十八日奉

聖旨是欽此

兵部爲烟火事兵科抄出鎮守遼東總兵官左
都督曹義等題自景泰三年五月二十三日起
至本年六月初六日止節據遼東都司并開原
瀋陽廣寧義州等處備禦都指揮朱直魯全瞿
賢李芳等呈該犂驛站榆林駱駝嶺北關白土
廠魏家嶺等墩空各差軍報瞭見境外地名北

平山上有達子步行五人在彼潛伏義州駱駝嶺等墩瞭見境外黃山坡有達子十人白崖子有達賊十五人各騎馬匹離墩五里行走招呼不來打話俱往西北去訖等因臣會同鎮守太監宋文毅提督軍務左副都御史寇深等議得各該地方俱有人畜在外耕牧卽今沿邊累報瞭見境外火光烟火及達賊人馬誠恐近邊窺伺乘隙竊掠除通行各該守備都督都指揮等官嚴整人馬鋒利器械設法操防及督墩空官

奏議

卷之二

三十八

軍無分晝夜加意用心仔細瞭望謹慎隄備外具題又該曹義等題爲賊情事景泰二年六月初七日巳時據義州等衛備禦都指揮瞿賢呈報初五日亥時該右刺山等墩空差軍傳報錦州地方邊山有達賊三百餘人馬入境往東行走有副總兵右都督施聚隨領人馬前去追襲據報當議右叅將都督僉事劉端內使單璣亦領廣寧精騎五百名前去策應行間據廣寧中屯等衛備禦署都指揮僉事孟貴呈該守興福

寺堡千戶張貴差軍走報有達賊跑牆入境隨領官軍抄追至半邊山空遇遊軍王接五說稱初四日一二更時分巡空聽得達賊跑牆隨即奔走回墩放砲三箇前賊隨退出境去訖就同把總指揮李雋郝昇等各領官軍粘踪追襲獲賊丟下套馬竿一百二十根又追至三道溝爲因天雨霧暗樹木稠密不敢深入領軍回還竝無搶掠人畜除原跑牆缺砌合各領回還原處操守等因臣會同太監宋文毅左副都御史寇

奏議

卷之二

三十九

深議得前賊自四月以來不時有一二十及二三百人馬近邊近走或跑牆入境雖被官軍追趕出境不曾搶掠人畜顯是賊衆在邊故意分遣人馬忽出忽沒窺覘虛實啜誘官軍擾我邊鄙乘隙竊掠除行各該守備都指揮等官嚴整人馬設法操防并督墩空官軍晝夜用心巡瞭及差夜不收密切哨探遇警相機行事外具題又該宋文毅寇深俱題前事該本部官俱欽奉聖旨兵部知道欽此欽遵通抄到部查得先該曹義

等題稱寧遠等處達賊入境殺傷官軍搶掠頭畜等因抄出本部已將各官叅奏請

劾切責令其挑選精兵相機截殺以贖前罪去後今抄前因叅照所奏遼東邊境烟火綿亘不絕又有達賊近邊數多顯是此賊糾集大衆在邊屯住按伏日久因見我邊總兵等官怯懦不行發兵勦殺以故全無忌憚出沒往來意在乘虛深入爲患况奏內開稱施聚劉端等調兵追襲霧暗樹密不敢深入領軍回還等因中間顯是逗

奏議

卷之二

四十

遛不進縱賊出境兼且遼東地方失利非止一次軍士寒心賊寇肆志今所奏聲息比之平日尤爲緊急而將臣視爲泛常一切虛勞士馬師出無功邊務至此實爲可慮若不嚴加隄備設法挨捕卽日秋期已近百草成實馬匹俱已添臆賊寇可以馳騁倘或率衆深入四散侵擾若使一城不支未免別城搖動其貽邊患不可勝言合無令該府差人馳驛齎文前去遼東令總兵等官曹義公同計議多方設法差人遠爲瞭

探前賊卽今有無在邊如果屯劄未退可以乘
虛襲取總兵等官就便挑選精銳馬隊神銳官
軍躬親統率分投出奇或聲東擊西或按伏人
馬或分據要害相機襲殺務圖成功不許畏縮
無謀及輕易窮追因而中賊奸計致壞邊務若
是哨無踪跡亦要堅壁清野持重以待仍令曹
義等當此賊旣已聚衆在邊日久不退其間必
有奸謀必須十分用心區畫以副

朝廷委托之重以贖屢次失機之罪毋得爾我猜

奏議

卷之二

四十一

忌各持已見倘誤大計罪將焉歸本部通行永
平山海宣府獨石馬營等處總兵鎮守都督等
官一體整飭人馬謹慎防範遇警相機策應及
行都督劉深將原領策應遼東遊擊人馬整棚
聽候不許因循誤事緣係處置賊情及奉
欽依兵部知道事理具題景泰三年六月十五日奉
聖旨是欽此

兵部爲走回人口事兵科抄出提督遼東軍務
都察院左副都御史寇深題節該欽奉

勅以後但有此等逃回之人審實奏來欽此欽遵景泰三年六月初十日據都指揮夏霖呈送被虜走回婦女一口委官審得本婦供係海西兀者衛女直古冷哥女亦納乞嫁與都督刺塔爲妾脫脫不花人馬到來同夫捨去行至中途將夫射死亦納乞在達子呵哈家住至去年十二月內有也先領人馬來殺散脫脫不花人馬都收去了亦納乞與不知名達子使喚受苦不過夤夜走回又撞三衛達子猛古乃邀去爲妻同達

奏議

卷之二

四十二

子男婦約有一千餘人往來在北山內駐劄後見也先差使臣二人來與猛古乃說脫脫不花已走了如今尋著了你不可投順呵敢往那裏去猛古乃回說我的腸順也先只是沒飯喫要去尋食過活使臣就回去了猛古乃與達子將帶男婦在迤北紅山見往西行每日探聽北邊聲息整理弓箭要往漢人地面捨麥牛馬食用聽說在心脫身走回等因臣等議得本婦說稱前賊要來搶擄緣賊情難測急要防禦就畱右叅

將都督僉事劉端廣寧守備都指揮馬敬高飛
夏霖韋洪等三千員名臣同鎮守太監宋文毅
總兵官左都督曹義等親率於六月十二日夜
起程十三日早到細河邊堡按馬劄營當差乖
覺夜不收分投出境密探及調右副總兵都督
施聚亦領義州錦州二處馬步劫殺官軍都指
揮朱政瞿賢等一千五百員名同日到清河堡
按伏本月十五日早據原差夜不收總旗李五
兒等報稱十四日一更時分探至西平山東南

奏議

卷之二

四十三

地名竈洞山北瞭見火光七處正是達賊安營
處所我留同去旗軍顧賽哥李得春二人在後
我每三箇先回報知據說臣等差人馳報右副
總兵施聚知會各領人馬分爲兩路竝進於十
五日酉時令李五兒等領路寅夜出境分投抄
截撲勦至十六日天明時分兩路軍馬俱到達
賊燒火處所會合出境約一百餘里前賊先已
起營隨卽四散搜山見有殺死一人認是小旗
顧賽哥身屍其軍人李得春不知下落午時分

領軍回至半路忽有達賊三十餘人馬從西山溝內趕鹿走出撞遇義州衛劫殺官軍攔截對敵賊徒因見官軍勢勇沿山策馬奔走都指揮朱政章洪等領軍追趕各賊遁入山林至申時分欲要窮追緣出境路遠山林險隘恐賊藏伏又兼天晚收軍回還十七日各帶原調官軍俱回本處瞭守除將亦納乞給與伊親支糧隨住其殺灰小旗顧賽哥照例優恤其家不知下落軍人李得春揆究至日另行并通行遼東都司

奏議

卷之二

四十四

及各該備禦都指揮等官嚴整人馬設法哨探拘收人馬固守城池及督墩空官軍晝夜用心仔細瞭望謹慎防備外具題又該寇深題爲烟火事本年六月日期不等瞭見境外各有烟火達賊十餘人騎馬行走隨卽舉烟一把招旗擂鼓不來打話往西南去訖等因又該寇深題爲邊務事內稱朝鮮國送到被虜漢人王教化等說稱李滿住子來刺哥都弓等及管下人金納魯等爲因年饑欲要計糧再到朝鮮境界本處

官司不肯給糧生理艱苦近日托以興販欲往遼東等因具題又該總兵官左都督曹義鎮守太監宋文毅等俱題前事該本部官俱欽奉

聖旨兵部知道欽此欽遵通抄到部案查先該寇深曹義等節奏前項賊情本部已經叅奏請

勅切責令其整搦人馬設法勦殺去後今抄前因叅照在邊賊寇經今日久出沒不退人馬或衆或寡道路或東或西來去自由圍獵馳騁如蹈無人之境全無畏懼之心蓋因總兵等官怯懦不

奏議

卷之二

四十五

曾奮勇截殺以致恣肆縱橫且如今次各官雖奏躬親督令官軍按伏邊境意在劫殺尤恐虛張聲勢實無此事既然各官親率大軍巡哨必是軍勢振揚賊寇知覺緣何又將夜不收殺歿及致官軍出境撞見趕鹿達賊三十餘人而義州錦州劫殺官軍奏內開有一千五百員名竟不能擒獲一賊斬馘一級貽笑邊方益長賊志莫此爲甚兼且走回人口俱說稱達賊要往漢人地方遼東境內搶擄興販而烟火聲息連日

不絕虜人奸計難測邊方所繫至重今各官怠
忽誤事若此非惟不能成殺賊之功抑且不能
建禦寇之策萬一自守不勝不無有誤大計又
兼遼東係緊要邊境去京不遠訪得近來彼處
總兵鎮守等官不肯和同行事多有將邊境失
機事情隱匿不行奏報惟圖因循月日罔肯盡
心效忠卽目將近秋期百草成實馬匹添臄之
時賊人得計之際臨期倉卒愈難措置合無就
令差來奏事人馳驛齎文與寇深曹義公同宋

奏議

卷之二

四十六

文毅等督調官軍分投出境哨探賊寇所在務
要乘虛襲殺以圖成功以壯士氣以安邊人固
守之心以挫賊人深入之計如或此寇人衆勢
大未可輕敵亦須堅壁清野練兵蓄銳相機而
行一面星飛差人具奏亦不許輕率無謀致墮
賊計益長賊寇之奸釀成後日之患如以後玩
寇誤事各官取罪非輕仍令曹義等差人齎文
與朝鮮國王令其整飭人馬固守地方若有野
人女直指以討糧爲由到於地界侵擾度其氣

勢可以截殺從宐相機而行仍飛報遼東總兵
策應不許容畱隱匿以乖

朝廷待遇之恩本部通行永平山海獨石馬營宣
府等處總兵官一體用心嚴慎隄備緣奉

欽依兵部知道事理具題景泰三年六月二十六日
奉

聖旨是欽此

兵部爲軍務事

內府抄出鎮守遼東司禮監太監宋文毅題景泰

奏議

卷之二

四十七

內三年七月二十七日據開原備禦都指揮宋眞
呈該威遠堡守備指揮吳誠差馬軍馳驛報本
堡首月二十日卯時那木川二墩守瞭百戶張敬差
軍報說本日巳時分聽得本墩北空約有達賊
約三四百人馬聲息跑牆入境辰時分到城東舊
馬市堡將種田餘丁龔添保砍訖三刀昏迷在
地又將人口馬牛俱各捨去當有左叅將都督

同知胡源左監丞范英等調領官軍都指揮甯
榮等前去追襲等因及節據廣寧備禦都指揮

瞿賢等呈該松山等墩空各報瞭見境外各有烟火共五處臣同提督軍務左副都御史寇深議得開原地方報稱達賊夤夜跑牆入境搶掠人畜砍傷種田餘丁已調官軍追襲未回除差人星馳前去取勘被搶人畜有無追回同殺傷人丁的實緣由至日另行及行義州等處地方整擻人馬用心瞭望隄備外緣係邊情具題又該左都督曹義等亦各題前事該本部官俱欽奉

奏議

卷之二

四十八

聖旨兵部知道欽此欽遵通抄到部叅照所奏前因係干達賊入境殺傷人命搶擄頭畜重事雖稱左叅將胡源等調領官軍前去追襲未審有無殺獲成功及照遼東地方今年自春以來達賊犯邊非止一次墩堡被其挖掘人畜被其殺虜又兼各邊屯劄日久不退如入無人之境全無忌憚之心詳其所由蓋由遼東總兵等官互相矛盾彼此猜忌旣無安邊禦侮之謀亦無折衝奮發之勇兼之在上者旣不能同心協力則在

下者亦莫不解體阻氣以致寇賊縱橫恣意搶殺而曹義等視之漠然略不動心似此怠忽誤事若不嚴加譴責卽目秋高馬肥正係達賊肆志之日又况遼東切近京師止隔山海一關便係腹裏去處慮恐賊寇益肆猖獗結連諸種部落大舉入寇臨期倉卒愈難措置不無貽患邊方有誤大計合無請

勅切責宋文毅曹義寇深等數其節次玩寇失機之罪令其嚴謹各城都指揮等官固守地方謹慎

奏議

卷之二

四十九

哨瞭必一乃心力以濟邊務毋自相矛盾以誤大計仍俟胡源回日動靜若何務要和同從長計議要見前項賊寇是何部落實有若干其奧魯巢穴有無定止去處空從設策選調大軍令總兵叅將分投統領寇深等監督出奇勦殺以判賊人深入之謀以安邊人固守之志有功照例陞賞誤事取罪匪輕不許似前怠忽爾我觀望縱賊寇之縱橫而不慮視邊人之被害而不恤及輕率無謀墮賊奸計以致疎虞壞事再照

野人女直各種夷虜之人俱附近遼東地方近來相率投降者多

朝廷推曠蕩之

恩宥其反側之罪許以改過自新授以官職加以賞勞而遼東總兵等官往往定議就於遼東自在州并東寧等處城堡安插者動以千數此等之人狼子野心不可測度卽今彼處犯邊賊寇未必不係野人女直并兀良哈三衛殘寇誠恐此等安插男婦因見犯邊賊寇得志我軍失利遂

奏議

卷之二

五十

起奸謀透漏消息結連內應其貽後患決非細故矧近日遼東安插達人糾合謀反出城潛從賊寇者動以一二十計此其明驗不可不防合無行令寇深公同宋文毅曹義等通行計議區畫將已安插夷人若何設法關防撫恤鈐束以銷意外之虞以爲經久之便既不許視爲泛常全不介意亦不許彰露形跡致生激變及今後來降者合無起送赴京處置或量與官賞令回原處住種何者爲宥或別有長策可以安內攘

外防患彌奸令寇深等明白具由星馳回奏不許因循遲延及勘議不當因而處置乖方重爲邊患仍令該府通行永平山海宣府總兵等官將前項賊情用心防備遇警相機行事緣奉

欽依兵部知道事理具題景泰三年八月初六日奉聖旨是欽此

兵部爲聲息事

內府抄出鎮守寧夏直殿監太監王清題景泰三年九月十四日據宿魏口外淡溝塘哨探夜不

奏議

卷之二

五十一

收景彥成走報本月十三日酉時分瞭見正西內水窩有達賊八人騎牽馬一十五匹到於賀蘭山後口外松林內砍打椽棒至戌時分馱往舊聖旨路去訖得報會同總兵官都督同知張泰右監丞王春副總兵都督僉事馬讓叅贊軍務右副都御史韓福議得虜賊原無定止惟往來趨逐水草今次採打椽木必有所見况兼秋高馬肥正賊出沒之際顯是近邊窺瞰虛實動靜故以少賊引誘官軍意在聲東寇西緣賊情譎詐俱

難測度除當調馬隊官軍三百員名委署都指揮僉事任信管領於十五日早先行出口密切爪探隨又調選二千員名議委副總兵馬讓右監丞王春管領神銳太監馬平統率於十六日出境前去遇有賊寇近邊潛住相機掩襲勦殺及通行東西二路左右叅將都指揮使熊震王榮嚴督沿邊墩臺營堡哨守官軍晝夜仔細謹慎隄備外緣係調兵出境哨探勦捕賊寇事理具題又該總兵官都督同知張泰等亦各題前

奏議

卷之二

五十二

事又該鎮守大同太監裴當及總兵官定襄伯郭登山西行都司署都指揮使孫英等各亦題稱景泰三年九月二十四日節該左右叅將方善許貴開報大同前後威遠陽和高山等衛黃山坡威寧十分嶺等墩瞭見境外正北偏西正西偏北及正東俱有烟火一二處約遠二三百里等因又該提督獨石馬營等處都督同知孫安鎮守獨石內官弓勝等各題稱景泰三年閏九月初三日戌時雲州墩青石嵯等墩瞭見境

外正東火光一處離墩約遠一百餘里等因該
本部官俱欽奉

聖旨兵部知道欽此欽遵通抄到部參照所奏前因
係于烟火聲息况寧夏所報賊情已見達賊入
人入境雖稱砍打木植馱載去訖誠恐此賊懷
蓄奸計指以採木爲由故意窺伺虛實別有糾
衆侵犯之謀又况寧夏遠在黃河之外遇警卒
難策應兼且大同獨石等處近日節報烟火不
絕綿亘接連動經數百餘里既有形跡必有實

奏議

卷之二

五十三

情若非遣使來朝必是搖毒扇禍若不預爲防
範未免臨期有誤合無令該府差人馳驛齎文
與寧夏總兵官張泰公同參贊鎮守等官整搦
人馬固守地方仍差乖覺夜不收分投哨探前
賊有無在邊出沒務在相機戰守以安邊鄙以
除禍害不許自相矛盾推調畏縮縱寇長奸因
而疎虞大計自取罪愆仍齎文與大同獨石等
處總兵等官郭登孫安紀廣江福許貴方善當
此邊報絡繹之際虜情未定之時各官必須十

分謹慎隄防若果事出非常度其可戰則運謀設策互相約期出兵截殺如其不可則堅壁清野持重固守仍一面星馳奏報如或虜酋遣使到邊或稱朝貢或稱打話亦須審勢度情隨宜措置不許怠忽致有疎失緣係處置隄備賊情并奉

欽依兵部知道事理具題景泰三年閏九月初八日奉

聖旨是欽此

奏議

卷之二

五十四

兵部爲預備邊務事

內府抄出鎮守大同太監裴當題該後軍都督府准兵部咨呈兵科抄出總督軍務少保兼太子太傅兵部尚書等官于謙等題該右僉都御史李秉題稱虜中差來使臣鴻臚寺序班楊冕男楊玉說稱也先老營只今安在哈喇莽地面住坐統領精兵見在沙窩一帶藏住等因會同總兵官太子太師武清侯石亨等計議得賊首也先違天悖理志驕氣盈假以進貢爲由遣人瞰

我虛實而又糾集犬羊之衆日漸近我邊方侵犯之謀旣已彰露隄備之策不可不嚴其大同地方雖係緊要相離京師寫遠卒難應援兵部節次行移總兵等官郭登等令其計議應否遣將增兵而各官執稱糧草不敷并虜使來朝不必增添難便定奪合無再行郭登等計議如果應合遣將領兵前去調遣戰守徑自具奏定奪等因具題節該奉

聖旨懷來操備一節待明年春暖緩急定奪欽此欽

奏議

卷之二

五十五

遵會同總兵官定襄伯郭登等及都司衛所管事管操等項都指揮等官孫英等議得賊首也先指以進貢爲名糾集犬羊之衆故彰聲勢逼近邊隅肆其無厭之求邀以難從之請名雖曰和實則啓釁然制虜之道在於有備無虞用兵之方貴乎知彼知己今大同見操官軍除東西二路外馬隊官軍止有六千餘員名以近守則有餘以遠戰則不足步隊官軍雖有八千八百餘員名止可排營列陣不能爭先趨利數內亦

有精壯好漢爲因無馬俱各步操如蒙

聖恩憐憫邊城兵力寡弱乞

勅該部量掇精銳馬隊官軍一萬餘騎前來餘外另帶附餘馬數千匹每馬就馱行糧數斗糧則給軍食用亦可存省邊儲其附餘馬匹聽臣等於步隊內選人騎操如若馬步軍士數少卽於正統十四年原選各衛所餘丁并大同府民壯查照原來量爲增減整點齊備聽候有警相機調用如此則軍威強壯邊事可以有爲人無浮冗

奏議

卷之二

五十六

供給不致缺乏臣等再照大同府四州七縣之民生長邊方安其習俗性旣勇悍尤耐饑寒自昔至今多於腹裏及遼南衛所充當軍役其各該衛分有二三千里有五七千里者或歲久年深拋家失業者供役者少事故者多或因路程寫遠中途歿者有之或因不服水土到衛歿者有之或因貪贓官吏受囑賣放者有之起解者未至逃亡者復來該衛無實用之人原籍有清勾之擾旣僉長解又歛盤纏况今兵燹以來鄉

里凋零至極軍伍既不能足民戶因而靠損其
本府州縣官吏里老累次於臣等處告稱艱難
若得就近於大同等衛所當軍情愿自備鞍馬
不敢便支糧賞奮勇殺賊以圖補報臣切惟天
下衛所相同者多

祖宗制度難於更改但

國家政務有經有權夷狄事機有急有緩今者北
虜之於西夷大同之與他處非惟理勢輕重有
不同其實事機急緩之懸絕若不先其所當重
者急者而後其所當輕者緩者則守經用權之
道未見其可如蒙

奏議

卷之二

五十七

准題乞

勅該部從長計議除太原府等處邊衛軍役外其餘
不拘在京在外衛所校尉力士旗軍幼軍等項
今後遇有逃亡事故在營無人補伍例當清勾
者不爲常例俱各於大同就近照名充當軍役
聽其自備鞍馬暫且不支糧賞於大同前後二
衛帶管收操待後積有數多另立衛分管轄仍

行原先衛分開豁籍冊永不勾補緣此等之人
既免背井離鄉之苦得遂安家戀土之情若使
撫恤有方教演有法遇有警急一則不忍棄其
祖宗墳塋一則不忍毀其宗族產業無不心懷
敵愾樂於戰鬪比與山西河南調來操備官軍
主客既殊堅脆亦異庶使民戶無分析之患軍
衛獲有用之兵所謂一舉而兩得也緣係計議
回奏請

旨調發京兵及改調軍役事理具題該本部官欽奉
奏議

卷之二

五十八

聖旨兵部知道欽此又該鎮守大同總兵官定襄伯
郭登等亦題前事通抄到部案查先爲前事已
行勘議去後今抄前因叅照奏要量撥精銳馬
隊官軍一萬餘騎就帶附餘馬數千匹前來操
守一節查得在京各營官軍見蒙

勅諭選擇一十五萬團營操練聽調殺賊其餘次撥
官軍又有運糧等項差占數多况大同各城蓄
積糧草有限供給彼處官軍尚且不敷節有奏
報聲息未有十分緊急若是添撥官軍前去操

守不無坐食邊儲愈見凋耗兼且京師守備爲重官軍難以輕動合候有警之日另行奏請命將發兵前去策應其前項馬匹合無行移太僕寺揀選一千五百匹令郭登等差人關領前去給與選出步隊精銳官軍并彼處舍餘民壯騎操應用其稱要大同府所屬州縣清解各衛所校尉力士旗軍幼軍等項俱於大同附近衛充當軍役一節緣校尉力士幼軍俱係隨

侍等項緊要人數又兼其數不多難以存留外所

奏議

卷之二

五十九

據清解各衛旗軍合無准言不爲常例存留彼處操備聽調殺賊候邊方寧息另行定奪仍令各該有司軍衛將清勾收發過旗軍姓名通類造冊繳部以憑查考不許指此爲由生事擾害緣奉

欽依兵部知道事理具題景泰三年十二月二十六

日奉

聖旨是欽此

兵部爲邊務事該

欽差總督軍務少保兼兵部尚書于謙等題近該延安綏德并遼東等處節次瞭見人馬烟火除行隄備外切惟虜情奸詐變態百端雖稱遣使來朝奸詐未易測度况虜使之來需求無厭或取討遠年人口或請要差遣使臣雖

聖恩特賜寬容終不能滿其所欲且今次差來使臣達子數少回回數多此輩將及回還而各邊屢有聲息并宣府又報虜使拆牆入境切恐虜酋故以使臣緩我却遣人分投侵擾尤恐皮兒馬

奏議

卷之二

六十

黑麻并察占等回還因其不滿所欲遂爾別起釁端糾率醜類爲我邊患未便臣等會同計議得萬一虜情變動則宣府大同與陝西離京至遠連接三邊而虜寇又屢有侵擾之謀合當嚴慎隄備大同係緊要邊方自經擾攘之餘軍民凋瘵未復加以糧儲數少馬草不敷兼且路途頗遠懸隔關隘倘有警急難於策應欲臨期調兵則恐緩不及事欲預先增兵恐坐蠹種草有此兩難不可遙制臣等議得若宣府有警則京

師約量賊勢多寡調兵前去策應陝西沿邊一帶合預先請

勅令總兵鎮守叅贊內外文武官員各要整搦軍馬固守地方凡要害去處俱要分兵拒守差人哨瞭遇警相機行事可戰則戰可守則守務在計出萬全事無一失凡一處有警則隣近去處互相策應有功則一體陞賞誤事則厥罪惟均不許自分彼此坐視不理以誤事機大同請

勅郭登年富方善許貴等并太監裴當等公同計議

奏議

卷之二

六十一

若大同有警各人設何方略可以禦寇作何布置可以克敵彼處軍馬糧草可否勾用應否京師命將統兵預先去策應或不須京師調軍自可濟理邊務斟酌自己強弱廣詢下人輿情明白從實具奏毋得偏報苟且致貽邊患若奏請至日如果應合調軍臣謙照依比先奏奉

欽依事理領軍前去總兵叅將等官於團營數內臨

期奏

請定奪仍行戶部查筭各邊見在糧草數目應合預

備者就便早爲整理毋臨期誤事及照虜使回還經過懷來宣府等處俱係緊要邊境固當振肅軍威使彼知我有備彼中糧草有限不空費用過多合無於都督石彪雷通劉深三員內請旨令一員仍充遊擊將軍名目請

勅帶領原統官軍三千員名前去協同所在官軍守備城池以壯軍威候使臣出口回京仍令兵部行文宣府懷來獨石一帶一體嚴慎隄備臣等仍將在京各營見操軍馬候春暖如法操練以

奏議

卷之二

六十二

備緊急調用及行各關守備等項官員一體固守關隘以備不虞不許怠忽誤事臣等又惟戎狄爲患自古有之惟人君修德於上人臣效忠於下則其患未有不平者

皇上撫運中興宵旰圖治今醜虜畏威納款皆

皇上修德之効臣等俱以駑劣叨膺重寄萬一犬羊

改慮自速敗亡臣等當捐軀効力以圖殲滅此

賊以圖補報宜報等語具詳懇懇懇懇固當

國恩若苟祿全身以誤大計罪甘赤族緣係會議

邊務事理具題景泰三年十二月二十日各官
奏奉

聖旨是卿等爲國家慮患正當如此但今軍馬戰守
之方未有一定可憑恃者卿等便同各營頭目每
從長計議賊果入寇如何可以出戰勦殺如何可
以固守無虞賊若不來亦當如何操練軍馬或分
或合可以百戰百勝以防不虞務在的然有可憑
恃毋事虛言遊擊將軍著雷通充待使臣將起時
領軍就關行糧出去事畢回京欽此

奏議

卷之二

六十三

兵部爲邊務事該

欽差總督軍務少保兼兵部尚書等官于謙等題該
差臣等計議方畧會本具題節該奉

聖旨卿等便同各營頭目每從長計議賊果入寇如
何可以出戰勦殺如何可以固守無虞賊若不來
亦當如何操練軍馬或分或合可以百戰百勝以
防不虞務在的然有可憑恃毋事虛言欽此計議
得國之所恃者兵兵之所賴者將將得其人則
兵無不精兵無不精則

國威自振而寇虜之患自平矣臣等俱以庸劣叨膺重寄馭兵乖方致厯

聖慮今議得各營見操官軍已選十萬分作五營團操以備出戰每二萬人爲一營每隊五十名一人管隊每一隊又立領隊官一員每千人把總官一員每三五千又立把總都指揮一員其管隊把總大小總兵官員各量其才器高下謀勇如何而選用之使之互相統屬兵將相識如遇下教場操練之時臣等出其不意量調一隊或

奏議

卷之二

六十四

三隊五隊點閱但喚把總管隊官姓名各官自行管領本隊軍士前來內喚出軍士一二人或三五人令管隊把總官識認是何姓名衛所却將軍人懸帶牌面上原開寫姓名衛所年貌查對若有不同就將管隊等官量情責罰仍比較弓箭牌刀長鎗等項武藝精熟者量爲獎勸生疎者一體懲治使管軍者知軍士之強弱爲兵者知將士之號令體統相維彼此相識不致臨期錯亂難於調遣大意前項團操軍十萬合則

爲一營分則爲五營萬一賊寇侵犯賊多則各營俱動賊少或分調一二營或調一萬三五千隨機應敵其平日選定大小該管頭目已定則交戰之時多用則多調少用則少調止調該管頭目則士卒自隨平日相處既久同輩之人易以相機管事之人易以使令如手足之捍頭目子弟之衛父兄比之平日混同操練不辯強弱不知號令將各營之人逐漸轉合者不同庶幾可以成功取勝又賊之所恃者弓馬衝突而已

奏議

卷之二

六十五

賊知我火器一發之後未免再裝遲慢以此我軍放罷火器就便馳突前來今若與之對敵我軍列陣外用鹿角遮護持滿以待賊若來緊堅陣不動先以弓弩對敵神銃未發先以火藥爆炸詐之賊必謂我火藥已盡不復畏避馳馬來攻則我軍火銃火炮飛鎗火箭弓矢齊發若勢重又以大將軍擊之待賊勢動分調精銳馬軍用長鎗大刀勁弓射砍步軍用團牌腰刀一齊衝入賊陣或刺射人馬或砍其馬足臣等以身

率先衝冒矢石獎勵士卒俾無退縮如有退縮者卽以軍法治之此則臣等愚見操軍出戰方合之勢如此仰惟

皇上德威遠布賊必不敢侵犯京師臣等謹當用心設法將各營已選團操并其餘軍馬一體操習整飭隊伍申嚴號令務使人馬強盛武藝精熟除團營之外另選次第精壯以備緩急調用以助團營軍威每日除演習弓馬武藝之外仍令馬步官軍兼習陣法及交鋒衝突安營走陣以

奏議

卷之二

六十六

爲戰鬪之勢使之耳目慣熟步驟輕健能知進退坐作之法免致臨敵畏怯失錯至如固守之法則今日士卒頗多京師城垣堅固又有戰車鹿角器具賊縱勢衆可以固守無虞雖臣等愚見如此但用兵之法不測如陰陽難知如鬼神貴在臨機應變難以一定而求况醜虜矯捷去來之間如飄風驟雨應敵之際非勇無以挫其鋒非智無以破其詐必謀勇兼濟而後可以成其功岳飛有言陣而後戰兵家之常運用之妙

存乎一心又曰文官不愛錢武官不惜死天下
太平矣臣等旣蒙

朝廷大恩授以重任敢不潔已愛軍以振士氣捐
軀効死以報

國恩緣係會議戰守事理具題景泰三年十二月
二十二日各官奏奉

聖旨是兵貴乎精將在謀勇卿等務要同心協力操
習軍馬有事運謀或戰或守若無事則撫恤士卒
養其銳氣遇警易爲調用這等不負朕委託之重

奏議

卷之二

六十七

欽此

欽差總督軍務少保兼太子太傅兵部尚書于謙等
爲軍務事該各營總兵等官太子太師武清侯
石亨等會議得迤北賊首先悖逆天道屯聚
虜衆近我邊疆若不預爲設法選練設使遣將
調兵軍不識將意將不識軍情不能爲用今五
軍三千神機等營各有總兵掌管規矩不同倘
遇調遣輾撥前去非惟軍將俱不相識抑恐號
令不一誤事不小合無於五軍三千神機等營

選揀精銳馬步官軍一十五萬內五軍營八萬
神機營五萬三千營二萬分爲十營一營一萬
五千用坐營都督一員五千用都指揮一員共
用三員一千名用都指揮一員或指揮一員把
總共用一十五員五百名又用指揮一員把總
共用三十員每隊用管隊官二員前項坐營把
總等官各於營內選揀廉能驍勇之人管領操
練俱聽臣等往來提督管操太監劉永成原管
神機營阮讓原管三千營取自

奏議

卷之二

六十八

上裁令其提督操練監鎗內臣隨同前去各營監鎗
如有聲息各調官軍若干或用一營二營三營
就著某總兵官及坐營都督統領前去互相策
應征勦其餘官軍令的當頭目管領各於本營
操練如此庶得號令歸一人易遵守內外兩得
其濟臨敵必能成功緣係會議軍務守禦京師
事理具題奉

聖旨是欽此

欽差總督軍務少保兼兵部尚書于謙等爲軍務事

先該宣府等處總兵官奏報賊寇聲息緊急

欽命臣同各營總兵官計議戰守方略臣等已將議到方略逐一開奏該奉

欽依是欽此除欽遵外今照總兵官武清侯石亨同左右副總兵叅將都督孫鏗范廣過興張義等見今挑選到五軍三千神機營頭撥精銳官軍六萬員名分作三營團操內神機營精銳官軍二萬員名均派三營照舊操練外臣等原先議奏方略內要領大將軍砲十六箇并量領大砲

奏議

卷之二

六十九

飛鎗手把銃以備衝敵之用俱未曾關領今照火砲之其實乃軍威亦賊人平昔所畏必須平居之時領出聽總兵等官設法令軍士演放操習慣熟量其高低遠近緩急疾徐一旦臨敵方能不亂而有成功又況今日夜不收往獨石等處哨探回還說稱哨馬營一帶俱有達賊駐劄其勢浩大竊料此賊候秋高馬肥氣候漸涼不無有侵犯邊方深入爲寇之意兵家之事以先戒爲寶防患之策以預備爲要况神機營撥到

官軍數多砲少周匝擺列不敷切恐臨期難於禦敵乞

勅工部合無將後項開列銃砲火器等件照數作急於

內府關出交與總兵等官石亨等如法收貯隨宐操演并大將軍砲十六箇斤重數多人力不能背負合用馳載車輛亦乞行移工部成造具題奉

聖旨是欽此

奏議

卷之二

七十

欽差總督軍務少保兼兵部尚書等官于謙等爲軍務事照得先該會官議擬奏

准令武清侯石亨都指揮同知楊能各統官軍往大同宣府巡邊後因宣府節報達賊近邊欲來攻內圍宣府以此暫緩行期數日以來差人哨探不見的確聲息顯是虜寇窺伺我邊進退未定若不整搦士馬遙振軍威切恐黠虜驕矜愈加得計臣等議得合無令石亨將原選定官軍三萬餘員名楊能將原選定官軍一萬五千內再添

五千共轄二萬員名關領賞賜衣甲糧鈔聽候
聲息遠近虛實於二月中旬起程前去巡邊殺
賊務在相機行事計出萬全既不許退縮畏避
以損軍威亦不許深入貪功以中賊計臣等仍
於各營挑選精兵五萬或六萬亦皆關與鮮明
衣甲精利器械各委勇敢頭目分管另行操練
聽候調用殺賊其餘官軍一體嚴加操習不許
視常怠忽及出口巡邊追勦賊寇全憑馬力伏

奏議

卷之二

七十一

聖恩量加草料餵養庶使馬得臙壯而便於馳驟軍
增銳氣而易以効力具題奉

聖旨是欽此

